

INUIT ATAQATIGIIT

INATSISARTUNI



Nuuk, 24. juni 2013

Inatsisartut suleriaasianni § 37 naapertorlugu matumuuna Naalackersuisunut imak apeqquteqaateqarpunga.

(Inatsisartuni ilaasortaq, Naaja H. Nathanielsen, Inuit Ataqatigiit)

Apeqqut:

Naalackersuisut Inatsisunik atortitsinermut ministerimut saaffiginnissuteqalersaarpat pinerluttulerinermi inatsisip § 77 imm. 1 aamma imm. 2 kiisalu § 78 imm. 1 aamma imm. 2-lu allanngortinneqarnissaat eqqarsaatigalugit, paragrafini taakkunani taaneqartuni katissimalluni pisunut ilanngussisoqassanersoq pillugu, soorlu danskit pinerluttaalisitsinermut inatsisaanni taamatut atuutilersoqartussaasoq.

Tunngavilersuut:

Ullumi inatsisunik unioqqutitsinerunngilaq nularisamik pinngitsaaliineq imaluunniit allatut ittumik kinguaassiutitigut atuineq. Taamaalilluni nuliaasut uiminnit pinngitsaaliineqartut kinguaassiutigulluunniit allatut atornerqartut arnanit allanit pinngitsaaliineqartunit allatulluunniit kinguaassiutitigut ilisarimanngisaminnit atornerlunneqartunit ajornerusumik inissisimapput. Isumaqartoqarsinnaavormi anniarneq, annilaanganeq soqqusaatsuliorfigineqarnerlu assigiilluinnassasut. Assigiinngisitsineq tassaavoq nutaanngilisumik eqqarsariaaseqarnerneq, nunamut arnanik ataqqinnikkusuttumut inatsisitigut tulluanngitsoq.

Maanna inatsisitigut atuuttut imak inissisimapput:

§ 77. Pinngitsaaliilluni kujanninnermut eqqartuunneqassaaq

- 1) nakuuserluni imaluunniit nakuusernissaq qunusaarutigalugu pinngitsaaliilluni kujannittoq imaluunniit kinguaassiutitigut allatut ittumik atuisoq.
- 2) **katissimanngisamik** kujannittoq imaluunniit kinguaassiutitigut allatut ittumik atuisoq inummik iliutsimut akerliliinissamut periarfissaqanngitsumik.

Imm. 2 Taamatut aamma pineqassaaq iliuseq imm.1-imi ilaatinneqarsimanngippat § 91-imi oqaatigineqartutut inatsisit unioqqutillugit pinngitsaaliilluni kujannittoq imaluunniit kinguaassiutitigut allatut ittumik atuisoq.

§ 78. Kinguaassiutitigut atornerluinermit eqqartuunneqassaaq inuup niaqulaarnera imaluunniit tarnimigut napparsimanagera atornerlullugit inuk pineqartoq **katissimanagu** kujannittoq imaluunniit kinguaassiutitigut allatut ittumik atuisoq.

Imm. 2. Aamma taamaassaaq kimulluunniit, inummik atorfimminik imaluunniit aningaasarsionerminik pinngitsuuisinnaannginneranik atornerluerujussuarnikkut **katissimanngisamut** kujannittumut allatulluunniit kinguaassiutitigut atuisumut.

Imm. 3. Aammattaaq eqqartuunneqassaaq meeqqanut aamma inuusuttunut angerlarsimaffinni, tarnimikkut nappaatilinnut napparsimavimmi imaluunniit inissiani taaneqartut assigisaanni atorfeqarluni nakkutilliisuulluniluunniit inissiffimmi uninngatitaasumik kujannittoq imaluunniit kinguaassiutitigut allatut ittumik atuisoq.

Ullut suliffiusut qulit qaangiutsinnagit apeqqutip akineqarnissaa qinnutigeriissavara.